

**Lvdovici Molinæ, E Societate Iesv Theologiæ Doctoris, &  
Professoris, Commentaria, In primam D. Thomæ partem**

**Molina, Luis de**

**Lugduni, 1622**

Vtrum quatuor illa signa visibilis missionis Spiritus sancti fuerint verè illæ  
res quæ apparebant, an similitudines solùm earum. disput. 2.

---

[urn:nbn:de:hbz:466:1-73915](#)

ARTICVLVS VII.

Vtrum Spiritui sancto conueniat  
visibliter mitti.

DISPV TATIO I.

**B**XITAT solūm quæstionem D. Thomas de Spiritu sancto, quoniam ex illo Ioan. 1.  
*Et verbum caro factum est, & habitavit in nobis, & ex plerisque aliis scripturæ testimonii notum erat, filium visibiliter fuisse missum. In corpore tamen articuli utramque visibilem missionem explicit.*

*Missio visibili-  
tatis Fili⁹ ex-  
ponitur.*

**C**olumba in  
qua Spiritus  
sanctus appa-  
riuit non fuisse  
assumpta.

**D**Quo loco obserua, quoniam Filius visibiliter est missus, vt per sua merita autor esset gratia, genūque humanum redimeret, debuisse in uiritate sui suppositi eam naturam assumere, in qua visibiliter apparuit. At vero, quoniam Spiritus sanctus solūm est missus visibiliter in signum inuisibilis missionis per gratiam, idque in utilitatem Ecclesie, vt homines ad fidem adducerentur, in eaque corroborarentur, necesse non fuit ea signa sensibili sibi hypotheticè vniuersitatem quibus visibiliter apparuit, vide licet columbas, nubis, flatus, ac ignis instar linguarum habentis. Id quod affirmant Augustinus 2. de Trinitate c. 6. & ceteri Patres, ac Doctores Scholastici communiter. Tertullianum excipo, qui in libro de carne Christi, paulo post principium, assertare videtur, tum columbam fuisse verum animal de nihilo tunc factum, tum etiam assumptam fuisse ab Spiritu sancto in uiritate suppositi, fuisseque postea dimissam & in nihilum redactam. Sunt vero signa illa ministerio Angelorum fabricata, non quidem ut ipsorum, sed ut essent signum Spiritus sancti, qui vel tunc inuisibiliter mittebatur, aut ante erat missus, perseverabatque per dona sua in eo, ad quem inuisibiliter erat missus. Quod dico propter signa columbae & nubis, quæ super Christum apparuerunt: missio namque illa visibilis Spiritus sancti super Christum non fuit signum missionis inuisibilis per gratiam ad Christum, quæ tunc fieret, sed quæ in instanti conceptionis facta fuit: totam quippe gratiam Spiritus sancti, quam erat recepturus, accepit Christus in instanti incarnationis, neque villa additio ei postea facta fuit.

DISPV TATIO II.

Vtrum quatuor illa signa visibilis missionis Spi-  
ritus sancti fuerint vere illæ res, quæ  
apparebant, an similitudines  
solum carum.

*Signa visibili-  
tatis missionis  
spiritus sancti fuisse res  
veras.*

**C**OMMUNIS Theologorum sententia est, quatuor illa signa missionis visibilis Spiritus sancti nempe columbam, nubem, flatum, ac linguas dispartitas tamquam ignis, fuisse res extra animalia, quæ vera mouebant sensus illas percipientes: non vero fuisse res imaginarias, quales esse solebant visiones prophetarum per imagines rerum in sensum internum immisatas, absque existentia realiter eundem rerum, aut aliarum illis similiis, quæ sensus Prophetarum mouerent. Augustinum tamen excipo, qui 2. de Trinitate cap. 6. in questionem vertit, an lingue illæ, tamquam ignis, fuerint res aliqua, quæ sensum mouerent, an vero sola imagines in sensum externum immisæ, quæ id ostenderent, cum tamen nihil omnino esset extra sensum, quod adprehenderetur. Ac licet Au-

**A**ugustinus eo loco anseps sit, communis tamen vera sententia est, quam reculquis, cāmque ampliatur ipse Augustinus circa lingas illas epistola 102. Quod ergo quæstimus hoc loco est utrum quatuor illa signa essent illa eadem res quæ videbantur, an solūm res illis similes.

Quod ad flatum attinet, conueniunt omnes fuisse verum flatum. De nube probabile existimo, eam ex aëre condensato, per compressionem, atque applicando actiuap assilius, fuisse Angelorum ministerio fabricatam, continuo que euauisse aëre reducente se ad suam pristinam dispositionem. Suppor præterea aërem illum non transisse in substantiam aquæ, sed retinuisse formam aëris: vapor autem, ex quo constat nubes, de substantia est aquæ, vi in libris Meteororum ostendimus.

De linguis, quæ in die Pentecostes super Apostolos apparuerunt, in primis constat non fuisse veras linguas de substantia carnis, neque hæc uisse earum effigiem quo ad colorem, sed solūm quo ad figuram. Affirmandum præterea est, non fuisse de substantia ignis: ut quia alias combussissent Apostolos, nisi interueniēt miraculum: non sunt autem multiplicanda miracula sine necessitate: tum vel maximè, quoniam sacra historia Actorum 2. non affirmat linguas illas fuisse ignis, sed tamquam ignis: quare habebant quidem ignis effigiem, non tamen erant verus ignis, vt ipsamet sacra historia aperte innuit: Videntur ergo fuisse de substantia aëris, vt de nube lucida dictum est, expletōque ministerio, aëre que redeunte ad suam pristinam dispositionem, continuo, & effigiem illam linguarum, & colorem ignis amississe.

Præcipua difficultas est circa columbam, fueritne verum animal. D. Thomas 3. parte quarti. 39. artic. 7. cum Augustino de Agone Christiano capite 22. existimat fuisse verum animal de novo creatum. In eadem sententia fuit Anselmus in caput tertium Matthæi.

In contraria sententia, quæ dicit non fuisse verum animal, sunt Ambrosius lib. 1. de sacramentis cap. 5. Neque affirmat contrarium in lib. de iis, qui ministerii initiantur cap. 4. statim legatur, Chrysostomus homilia 12. in Matthæum, Procopius Gazæus in Genesim c. 18. Lyra in cap. 3. Matthæi, D. Thomas in dist. 17. q. 4. art. 3. ad tertium. Aegidius eadem dist. in 2. principali q. 2. Durandus q. 14. Caetanus tercia parte loco citato, & in c. 1. Matth. Bartholomæus Torres hoc loco, Abulensis super Matth. c. 3. q. 8. 4. & plerique alij, in eadēque fuit Augustinus epistola 102. Probari autem potest primò & præcipue, quoniam Euangelistæ omnes loquuntur de ea, non vt de animali, sed vt de effigie animalis. Matthæus, & Lucas uterque 3. c. dicunt, sicut columba. Marcus c. 1. tamquam columba. Iohannes cap. 1. quasi columba. Secundo, quia omnes concedunt linguas, quæ apparuerunt super Apostolos, non fuisse verum ignem, sed similitudinem ignis: sicut autem Lucas Actorum 2. fuis est aduerbio similitudinis, dicens, *tamquam ignis*: ita in proposito omnes Euangelistæ vi fuit aduerbiis similitudinis ad exprimendum signum columbae: ergo non fuit verum animal, sed effigies animalis. Tertiò, quia ad denotandum, significandumque aduentum Spiritus sancti non erat necessarium verum animal, sed satis erat similitudo animalis: ergo fuit similitudo ex aëre ministerio angelorum fabricata, quæ continuo expleto ministerio, vt Augustinus epistola citata ait, desuuit esse, & non fuit verum animal de novo productum.

Verum

*Flatus in  
quo Spiritus  
sanctus ap-  
paruit verue  
existit.*

Nubes quid.

*Lingus qua-  
les.*

*Columba in  
qua Spiritus  
sanctus ap-  
paruit an  
fuerit ani-  
mal.*

*Obiectio.*

Verum contra obiectum autores opposita sententia, quia si Spiritus sanctus apparuerit in specie columbae, & non in vera columba, decepisset Ioannem aspicientem, & credentem esse veram columbam. Neganda est tamen consequentia: ipse namque Ioannes vere agnouit non fuisse columbam, sed instar eius effigiem. Ut enim habetur Ioan.1. *Testimonium perhibuit Ioannes dicens: Quia vidi Spiritum sanctum descendente quasi columbam.* Additum quod si argumentum alius esset momenti: probaret etiam Spiritum sanctum decepisse, quando in specie ignis, & non in vero igne, descendit super Apostolos.

*Solutio.**Alia obiectio.**Pilium.*

Obiectum secundum, Filius Dei apparuit in vera humanitate: ergo & Spiritus sanctus in vera columba. Neganda est quoque consequentia: quia Filius assumptus humanitatem in unitatem supposuit, ut per eam miceretur, redimeretque genus humanum. Spiritus sanctus vero solum est unus specie columbae, ut significaret præsentiam suam, ad quod non erat opus vero animali.

## ARTICVLVS VIII.

*Vtrum persona diuina non mittatur, nisi ab ea à qua procedit eternaliter.*

*1. Conclusio.**Missione pro-**pria solu-**personae mit-**tatur ab ea,**à qua proce-**dit.**2. Conclusio.**Christus, ut**homo, quo**patio missus.*

**S**i prima conclusio. Si missio sumatur proprie, persona diuina, quæ persona diuina est, solum dicuntur mitti ab ea, à qua procedit eternaliter: quare neque Filius mittitur à se, neque ab Spiritu sancto, sed à solo Patre, neque Spiritus sanctus mittitur à seipso, sed à Patre & Filio. Hac patet ex haec tenus dictis, quoniam missio propriæ sumptu includit ordinem originis ad personam mittentem.

Secunda conclusio Filius Dei factus iam homo, & quatenus homo, mittitur ad prædicandum, redimendumque genus humanum per mortem suam, &c. à tota adorandissima Trinitate, atque adeò non solum à Patre, sed etiam ab Spiritu sancto, & à seipso, quatenus Deus est, imò ad id præceptum illi, ut homini, imponitur à tota augustinissima Trinitate. Hæc est Iginij epistola 1. decretal ad omnes Christi fideles, cuius hæc sunt verba: *Filius non secundum Deitatem solum à Paremissus est, sed secundum carnem: quam clementer & pie pro nobis assumere nos designatus est. Nam quid semetipsum (exinanita manifestatis sua potentia) idem se Filius misit, Apostolus conceperat, & dicit: Semetipsum exinanuit formam serui accipiens: & humiliatus semetipsum, factus obediens usque ad mortem, mortem autem crucis. Eadem est Concilij Toletani undecimi in confessione fideli, ubi habetur: Missus Filius, non solum à Patre sed & ab Spiritu sancto missus esse credendus est, in eo quod per prophetam dicitur: Et tunc Dominus misit me, & Spiritus eius. A semetipso quoque missus accipitur, pro eo quod insuperabilis, non solum voluntas, sed operatio totius sanctissime Trinitatis agnoscatur. Haec tenus Concilium illud. Iuxta hanc conclusionem (ut Concilium Toletanum exponit) intelligitur illud Isaie 48. Dominus meus misit me, & spiritus eius.*

A Item illud Isaiae 61. *Spiritus Domini super me, eo quod unxit me, ad annuncianendum mansuetis misit me, ut mederer contritis corde, ut predicarem captiuos indulgentiam, &c. Quem locum Christus Luke 4. affirmat intelligi de se ipso. Ratio vero huius conclusionis est, quoniam Christus, quatenus homo, est à tota gloriosissima Trinitate, atque adeò à se ipso, quatenus est Deus: quare à se ipso & à tota diuinissima Trinitate dici potest propriè mitti, si eo modo spectetur. Ad propriam namque missionem satis est, si quatenus homo, sit alius à se ipso, quatenus est Deus, quoad naturam.*

B Tertia conclusio. Ratione effectus ad extra, secundum quem persona dicitur mitti & ratione libera voluntatis, qua mitti donarique dicitur, quorum virumque ad rationem missionis personæ diuinæ exigunt, Filius dici potest, minus propriè mitti, tam ab Spiritu sancto, tam à se ipso: Spiritus sanctus quoque dici potest quitti à se. Hanc affirman Augustinus 2. de Trinit. c. 5. Magister, & pletique Scholastici in 1. dist. 14. arque iuxta eam sunt intelligendi. Potest autem ex eo probari, quoniam opera augustinissima Trinitatis ad extra sunt individualia, volitioque illa libera, qua persona liberè mittitur, est volitio essentialis, ac proinde communis toti altissimæ Trinitati. Quia tamen missio personæ diuinæ, si propriissime sumatur, atque vt in Scripturis sacræ sumi consuevit, ultra effectum temporalem, & actum illum liberum voluntatis diuinæ, includit etiam personam, qua mittitur, non solum distinctam esse à mittente, sed etiam ex ea eternaliter procedere, vt art. 1. explicatum est, inde est, vt neque Filius, quæ persona diuina est, propriè mitti dicatur à se, aut ab Spiritu sancto, neque Spiritus sanctus, aut Pater, mitti à se ipsi dicantur, neque vero id in Scripturis sanctis reperiatur.

C Circa dubium, quod D. Thomas in 3. argumēto tangit, & ad quod respōdet in calce articuli, utrum scilicet homines dare possint Spiritum sanctum, sit 1. conclusio. Homines dare non possunt Spiritum sanctum, vt dare importat autoritatē, saltem quod ad originem, comparatione eius quod datur, atque vt is date dicitur, cuius est, quod datur. Hæc est notissima. Iuxta hunc sensum negant Augustinus 15. de Trinitate cap. 26. D. Thomas hoc loco, Magister in 1. dist. 14. & Scholastici eadem distinctione, homines dare Spiritum sanctum.

E Secunda cōclusio. Cūn sacramenta, modo causarum moralium, ariūtiant gratiā, secundūm quam Spiritus sanctus confertur, ministri Ecclesiæ conscientes, applicantesque sacramenta, sive causa instrumentales, quod conferunt gratia, secundūm quam Spiritus sanctus confertur, eaque ratione aliquo modo cooperatur, ut Spiritus sanctus conferatur; absoluē tamen, hoc est, sine addito, dicēdi non sunt conferre, aut dare Spiritum sanctū: quoniam id, simpliciter loquendo, denotare videtur conferre & dare iuxta sensum primæ conclusionis. Ita tandem pro nostra tenuitate finem impossimus expositioni abditissimi huius mysterij sanctissimæ Trinitatis, Deo optimo Maximo concedentes, cui laus & honor in sæculorum sæcula. Amen.